



Future-proofing our children

Sekolo sa Tshipi 3

Setlhogo

Joseph o mo ntlung ya ga Potiphar

Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo “**Joseph o mo ntlung ya ga Potiphar**” Thuto ya sekolo sa tshipi.
Mokwalo o o go fa thutuntsho e potlana gore o ka ruta jang thuto e

O ka ipaakanya le go ruta thuto e jang

Fa tlase ke maele a go ipaakanya le go ruta thuto e

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://bit.ly/3NACSSHS
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang ban aba sekolo sa Tshipi) Ela tlhoko: 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wa gago botoka! <i>Tirelo ya sekolo sa tshipi ga e hete metsotso e 45 .</i> 2.3: Thuto e lebaganye (Bana ba sekolo sa Tshipi). 2.4: O ka kopa thuso mo morutabana wa gago wa sekolo sa tshipi fa o tlhoka thuso.
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.



4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo phateng.
5.	Bala thuto. E bale gape gore o e tlhologanye. Lebelela setshwantsho sa motshikinyego go re o tlhologanye botoka.
6.	Kwala dintlha tsa botlhokwa tse o batlang go di gakologelwa.

Go ruta thuto ya batlhomamisiwa mo lapeng

O ka ipaakanya le go ruta thuto e jang

Re tswela ka go abalana maele a go ipaakanya le go ruta thuto e:

Kgato	Tiriso
7.	Tlhologanya maikaelelo a thuto a e leng gore ngwana wa gago o tshwanetse go a gakologelwa.
8.	Ruta ngwana wa gago thuto jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya SS .
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng



Thuto

Setlhogo	Joseph o mo ntlung ya ga Potiphar
Temana	Genesis 39: 1-21
Maikaelelo a thuto	Bana ba ithuta gore Modimo o babalela ba gagwe go siame le go le thata

Tshoboko ya Thuto:

Le fa re sa tlhaloganye seemo sa se maswe, Modimo o ntse o a re sireletsa.

- Barekisi ba makgoba ba tsere Joseph go mo isa Egypt mme ba mo rekisa e le lekgoba ko go Potiphar, molaodi wa masole a bogosi. Modimo o ne a ntse a na le Joseph.
- Ka bokhutshwane Potiphar a lemoga gore Morena o thusa Joseph go atlega mo go tsotlhe tse a di dirang. Potiphar o ne a rata Joseph mme a mo dira moeteledipele wa dithoto tsa gagwe.
- Mosadi wa ga Potiphar le ene a lemoga Joseph mme a leka go mo ithatisa. Joseph a gana ka a itse fa e le selo se se sa siamang e bile a ka utusa Modimo le Potiphar botlhoko.
- Mosadi wa ga Potiphar o ne a sa ineela motlhofo, a nna a tswelela mme nako nngwe a re o atla Joseph, Joseph a gana, e rile a re o a sia a mo tshwara ka jase mme ya somoga mo go ene.
- O ne a galefa thata mme a batla go tsenya Joseph mo mathateng. O ne a botsa malata a mangwe mme a ba bolelela gore, "Joseph o ne a re o ntsenelela mo dikobong mme e rile ke kua a sia a ba a tlogela jase."
- Fa Potiphar a goroga mo lapeng, mosadi wa gagwe a mo supegetsa jase mme a mmolelela maaka. Potiphar a galefa thata a ba a tsenya Joseph mo kgolegelong. Mme Joseph a nna a tshepha Modimo e bile a dumela gore o na le ene.
- Mautlwebotlhoko a Modimo a ne a na le Joseph, ga go ise go ye kgakala, a bo a setse a le moeteledipele ko kgolegelong.



Thuto e re ruta eng?

- Nako nngwe re diragalelwa ke dilo tse re sa di tshaloganyeng, le fa Joseph a ne a utlule botlhoko gore ga a itse gore o tshatshelwa eng, o ne a tshepha Modimo.
- Joseph o ne a segofadiwa e bile a babalelwa ke Modimo.
- Modimo o nna a batla go re segofatsa a ba a re babalela le fa re sa tshaloganye tsela ya gagwe.

Dipotso tse re ka di botsang:

1. **Leina la monna yo o neng a rekiseditswe Joseph ke mang?**
A: Potiphar
2. **Modimo o segofaditse Joseph jang fa a le kwa ga Potiphar?**
A: Joseph o ne a atlega mo go tsotlhe tse a neng a di dira mme Potiphar a mmaya moeteledipele wa tsotlhe
3. **Ke ka go reng Joseph a ne a tsenngwa mo kgolegelong ke Potiphar?**
A: Mosadi wa ga Potiphar o ne are Joseph o mo tshasetse
4. **Go diragetse eng ka Josepha fa a le mo kgolegelong?**
A: Modimo o ne a tswela ka go mo segofatsa a ba a nna moeteledipele mo kgolegelong.

Thapelo ya ga Rre le Mme go rapela pele ga thuto:

Modimo o rategang, re lebogela letsatsi le.

Re segofatse rotlhe.

A re utlwe go nna teng gag ago

Segofatsa thuto e re tla nnang le yone

Re gacolole gore mo diemong tsholhe re ka go rapela.

Re thuse go nna re leboga le tsholofetso ya gore kagiso ya gago e tla aga mo go rona.

Romela Jeso ngo tla go re tsaya

Re bo re ipaakanyeditse go mo kgatantsha

Mo leineng la Jeso, Amen